

INUIT ATAQATIGIIT INATSISARTUNI



UKA2022/25

Oktobarip 6-at 2022

Mariia Simonsen

**Uunga siunnersuut: Aningaasanik peqquserluutinik
malunnarunnaarsaasaneq pinerliiniarnernillu aningaasalersuisarneq
pinaveersaartinniarlugit iliuserisassat pillugit Inatsisartut inatsisaata
allanngortinneqarnera pillugu Inatsisartut inatsisaat.**

Aningaasaqarnermut Naligiissitaanermullu Naalakkersuisoq

Oqaaseqaat:

Aningaasanik peqquserlunnikkut pissarsiarineqarsimasunik
malunnarunnaarsaaneq qunusiarinninnikkullu anguniagaqartunik
aningaasalersuineq akiorniarlugit Inatsisartut inatsisaata allannguutissai pillugit
naalakkersuisut siunnersuutaat Inuit Ataqatigiinni ilalerparput.

Inatsisip allannguutissai ullutsinnut naleqqusaanerupput. Aningaasanik
peqquserlunnikkut pissarsiarineqartunik malunnarunnaarsaaneq
akiorniarneqarpoq aalajangersakkat erseqqinnerulersillugit, aningaasanillu
peqquserluuteqarsinnaaneq millisarlugu. Tamakku anguniarlugit
suliffeqarfiutillit inuillu inatsimmi pineqartut sullitamik imaluunniit pisiffigisamik
kinaassusiat eqqortoq pinngitsooratik nalunaarutigisussanngorpaat.

Taama pisussaaffiliinerup kingunerisaanik kinaluunniit aningaasanik
amerlassutsimikkut suminngaanneernermikkulluunniit pasinapiluttunik

INUIT ATAQATIGIIT INATSIARTUNI



nuussineq akiliinerluunniit nalunaarutigissavaat. Taamaaliortoqareerpat allaffik tamakkuninnga sulialik misissuilluni aallartissaaq.

Aalajangersakkat erseqqissarneqarnerat nalunaarutiginnittussaataalernerlu Inuit Ataqatigiinnit taparserparput, aningaasaqarnermullu ataatsimiititaliamut suliassanngorlugu innersuupparput.